


**07 IANUARIE**

**ACATISTUL  
SF. PROROC  
IOAN  
BOTEZĂTORUL,  
ÎNAINTEMERGĂTORUL  
DOMNULUI**



**ACATISTIERUL PE IANUARIE-RU**



# Акафист святому Великому Иоанну, Предтече Господню

## Кондак первы

Достойны сведетелю хр[и]стов [в оригинале опечатка: "рхстов"], о тобѣ убо евангелистѣ г[лаго]летъ: бысть человекъ посланъ от бога, имя ему іоаннъ, сей прииде во свѣдательство, да свѣдательствуе[т] о свете, да вси веру имуть ему. Тем же и мы, верующие во хр[и]ста, по твоему сведетелству поемъ тому вси аллілуїа.

## Икосъ первы

О пречудном зачатїи твоємъ, іоанне, дивяшеся чтемы, явися убо отцу твоему ангель господень, стоя одесную олтяря [так!] кадилнаго, и той смутися видевъ его, и страхъ нападе нань. Рече к нему ангель: не бойся, захария, занужъ услышана естъ молитва твоя и жена твоя елизаветъ родить сына тобѣ, и наречеши имя ему иоаннъ, и будетъ тобѣ радость и веселие, и мнози о рожестве его возрадуются. Темъ же и мы радующеся, тобѣ радосная приносим, поюще:

радуйся, радости многим подателю,  
радуїсяу, печалей злых отгонителю,

радуйся, человече, от бога посланный ко  
вернымъ,  
радуйся, свидетельствовавъ о свете истинномъ.  
Радуйся, сыну ерея, почину великаго,  
радуйся, плоде родителя праведнаго.  
Радуйся, гласе вопиющаго во пустыни,  
радуйся, веляй уготовати пути г[о]с[по]дьни.  
Радуйся, твое зачатие ангел извествоваше,  
радуйся, внемгда отець порядку во храме кадыше.  
Радуйся, ангеле, от бога посланный,  
радуйся, пред лицомъ его путь устрояй.  
Радуйся, чесный предтече и крестителю  
господень.

### **Кондак вторы**

Конце всея земли празнують твое, иоанне,  
св[я]т[о]е зачатие, во чреве убо материне  
посвящен еси. Пророку еремии\*, о тебе  
глаголющу, бысть слово г[о]с[по]дьне. Первее,  
нежели создах тя во чреве, знах тя и прежде  
выштия твоего с ложеснъ осв[я]тих тя. Сего ради  
и мы, празнующе торжество твое и хваляще тя,  
поемъ г[о]с[по]ду богу аллилуїа.

### **Икосъ вторы**

Тогда богородица мария, слышавши от  
архангела, благовестующа о зачатїи твоём,  
їоанне, пресв[я]т[о]е, иде со дщаниемъ во град

и'удовъ и внии'де в домъ захарии'нъ и целова елизавет, и бысть, яко услыша елисавет целование мариино, возрадовася младенец во чреве ея. Тем же и мы радосне поемъ тобѣ: радуйся, в животе материне посвященный, радуйся, во втробе духа св[я]т[а]го исьполненный. Радуйся, от ангела "іоаннъ" и'менован, радуйся, и тым же именемъ от родителей возванъ.

Радуйся, сотворителя своего в ложеснахъ материныхъ познавый, радуйся, и пришествию того с радостию ся поклонивый.

Радуйся, принявъ светлость от солнца, радуйся, сроднику г[о]с[по]да нашего і[су]са. Радуйся, духа св[я]та елизаветъ, мати твоя, исполнена, радуйся, сия благославенну въ женахъ богородицу повѣдила.

Радуйся, для тебе родители твои' возвеселишеса, радуйся, и мнози зачатю твоему во старости их дивишеса.

Радуйся, чесны предтече и кр[е]ст[ите]лю г[о]с[по]день.

### **Кондакъ трети**

Оуслышав захария от ангела о зачатии' твоємъ, іоанне достойне, рече: по чему разумею сее, азъ

бо есмь старъ и жена моя заматеревшая во днехъ своихъ. Отвеща ему ангель и рече: азъ есмь гавріиль, предстояй предъ богомъ, и посланъ есмь благовѣстити тобѣ сия. Слышавъ же таковая, захарія воспе сердечне аллилуйа.

### **Ікосъ трети**

Разумети людие хотяще тайну, видевши отца твоего, іоанне, захарію, исходяща от олтаря кадилнаго нема, помышляху, яко видение видяше. Уведевши же по сихъ твое радосное нарожение, мнози радовахуся и тобѣ радосная приношаху, глаголюще:

радуйся, отроча добродушное и превтешеное,  
радуйся, детище всея благодати исполненное.

Радуйся, пречудное нарожение свое нам являя,  
радуйся, многихъ людей тымъ обвеселяя.

Радуйся, яко рука г[о]с[по]дья бѣ всегда с тобою,

радуйся, яко велия пророчества быша при твоємъ нароженью.

Радуйся, отцу своему глаголаніе навративый,  
радуйся, матери поношение неплодия отнявый.

Радуйся, при твоємъ нароженіи пречистая дева бяше,

радуйся, и носящи всехъ создателя тобѣ послужаше.

Радуйся, отець твой, захария, исполнися духа св[я]та,  
радуйся, и пророкуя пояше величая хр[и]ста.  
Радуйся, чесный предтече и кр[е]ст[ите]лю  
г[о]с[по]д[е]нь.

### **Кондакъ четверты**

Слышавши же елизаветь играние твое, ѱоанне пресвяте, во чреве своемъ, исполнися духа св[я]та и возопи гласомъ велиим ко богородици и рече: благославена ты в женахъ, и благославенъ плодъ чрева твоего, и откуда мне сее, да приде матери г[о]с[по]да моего ко мне, се бо, яко бысть глас привитания твоего во ушию моих, возыгралъ младенецъ радощами во чреве моемъ. Тем же и мы радующеся вопиемъ г[о]с[по]ду богу аллилуїа.

### **Ікосъ четверты**

Когда отверзошеся уста и языкъ захарии, отца твоего, по рожестве твоём, ѱоанне всеблаженне, исполнися духа с[вя]та и пророчествова, г[лаго]ля: благословѣнь г[о]с[по]дъ богъ израилевъ, яко посети и сотвори избавление людем своим. Радуюся даже и сконча. Тем же и мы радосная поем, тебе г[лаго]люще:  
радуйся, во младости своей напусти г[о]с[по]ду  
послуживы,

радуйся, вси мирскія похоти для бога опустивы.  
Радуйся, ты вина и питія упоющаго не  
укусилъ,  
радуйся, ты ризу от шерсти вельблюжее на себе  
носил.  
Радуйся, многие люди ко г[о]с[по]ду богу  
навертивый,  
радуйся, разныя языки житиємъ своимъ  
просветивый.  
Радуйся, ты пищу диви медъ и пружи поживалъ,  
радуйся, ты во иордани людей приходящих  
крестил.  
Радуйся фарисеевъ и садукеев смеле каравый,  
радуйся, покаяние о гресехъ чинити повелевый.  
Радуйся, ты исповедь греховную уставилъ,  
радуйся, ты кающимся ц[а]рство небесное  
обещалъ.  
Радуйся, чесный предтече и крестителю  
господень.

### **Кондакъ пяты**

Оу тебе вопрошаху иудей', посланые от  
ерусалима, г[лаго]люще: ты кто еси? И  
исповѣдалъ еси имъ, ѱоанне премудре, яко  
несмъ азъ х[ристо]съ, но гласъ вопиющаго во  
пустыни, исправте путь господень. Азъ крещаю  
вы водою, посреди же васъ стоять, его же вы не  
весте, той есть грядый по мне, иже предо мною

бысть. Мы же, познавши свѣдѣльством твоим хр[и]ста, поемъ аллилуїа.

### **Ікосъ пяты**

Рече г[о]с[по]дъ і[су]съ о тобѣ, преизбранны  
іоанне, яко не воста более тебе межи сынми  
народеными в женахъ. И яко жъ нѣдостойныи'  
мы достойне можемъ тебѣ, богомъ хваленого  
похвалити, но радостию влекоми, тебе радосная  
приглашаемъ, поюще:

радуйся, ноя праведнаго предъ богом  
справедливейши,

радуйся, авраама верна словесемъ  
г[о]с[по]дънимъ вернейши.

Радуйся, исаака, ведена ко жертве,  
послушнейши,

радуйся, якова во чадахъ духовныхъ множайши.

Радуйся, леввия во племени своемъ  
достоинейши,

радуйся, іосифа во чистоте телесной краснейши.

Радуйся, іова во младости своей терпеливши,

радуйся, моисея в законе божиемъ яснейши.

Радуйся, аарона въ жертвенномъ чину  
св[я]тейши,

радуся [так!], елиазара въ божиемъ ревновании  
смелейши.

Радуйся, исуса наввина во бранехъ духовныхъ  
крепчейши,

радуйся, калефа во согледании' земли  
обетованное хвальнейши.

Радуйся, честный предътече и крестителю  
господень.

### **Кондакъ шесты**

Иже послани быша от фарисей вопрошити тебе,  
что крещаеши, аще ты не иси [так!] х[ристо]сь,  
ни илия, ни пророкъ. Ты же, ѱоанне св[я]те,  
отвещалъ еси имъ, г[лаго]ля: азъ крещаю васъ  
водою къ покаянию, греды же по мне креплей  
мене есть, ему же несмъ достоинъ обуви  
понести, той вы крестить в духу св[я]том. Тем  
же и мы крещеные поемъ аллилуѳа.

### **вкосъ шесты**

Неизреченное воздержание жития твоего  
видяще, дивимся, ѱоанне достойне, ангела бо тя,  
во плоти с человеки на земли живуца,  
разумеваемъ. Темъ же и славяще память твою  
тобѣ радосная воспеваем, г[лаго]люще:  
радуйся, наставниче великий спасению,  
радуйся, приводяй грешныхъ къ покаанию.  
Радуйся, чудесь хр[и]стовыхъ извесное  
похваление,  
радуйся, душамъ немощнымъ подавая здравие.  
Радуйся, во иорданской реце грехи омывая,  
радуйся, покаяние славне проповедуя.

Радуйся, агнеца божия перстомъ показавый,  
радуїся, возъемлющего грехъ миру явивый.  
Радуйся, крещениемъ весь миръ обновляющи,  
радуйся, и темъ разумъ нашъ освѣщающи.  
Радуйся, всю силу бесовскую сокрушивый,  
радуйся, ц[а]рствія небеснаго путь показавый.  
Радуйся, честный предътече и крестителю  
господень.

### **Кондакъ седмый**

Иже от века неслыхано бысть, сынъ божий на  
иорданъ прии'де к тобѣ, іоане, креститися. Ты  
же возбраняше ему, г[лаго]ля: азъ требую от тебе  
креститися, и ты грядеши ко мнѣ. Отвещав же  
ти і[су]съ и рече: остави ныне, тако убо подобно  
исполнити намъ всяку правду. Мы же богу  
крещаемому поемъ радосне аллилуйа.

### **Ікосъ седмый**

Человекъ и богъ явился еси, хр[и]сте, на иордани  
іоанну быти, руками бо пречистую плоть твою  
осязаше и гласъ с небеси от бога отца  
свидетельствуемъ слышаше: сей есть сынъ мой  
возлюбленный, о нем же благоизволихъ. Сего  
ради и мы с радостию вопиемъ:  
радуйся, крестителю г[о]с[по]да нашего і[су]са,  
радуїся, крестящегося прославивый хр[и]ста.  
Радуйся, крещениемъ вес миръ обновивый,

радуйся, крестящему хвалу воздавый.

Радуйся, крещая и во водахъ иорданскихъ,  
радуйся, крестивъ с ними всехъ приходящихъ.

Радуйся, крестився от тебе і[су]сь во иордани  
възыде,

радуйся, крестящуся ему дух св[я]тый нань  
изыде.

Радуйся, крещаема хр[и]ста глас с неба слышал,  
радуйся, крестимому ему бог отецъ  
свидетельствовал.

Радуйся, крещение во оставление грехом  
проповѣдую,

радуйся, крестящимся райские двери отвирая.

Радуйся, честный предътече и крестителю  
господень.

### **Кондакъ осмый**

Фарисей и садукей видель еси, блаженне іоанне,  
идущих на крещение, к ним же и г[лаго]ля:  
исчадие ехидново, кто скажетъ вам убежати от  
приидущего гневу, сотворите убо плодъ  
достойнъ покаанія. Тем же и мы, кающесе о  
гресехъ, поемъ аллилуїа.

### **Ікосъ осмый**

Разумъ ангелский подай намъ, хвалящимъ  
память твою, іоанне пресвяте, ты убо еси более  
пророка, о тобѣ писано есть: сѣ азъ пошлю

ангела своего предъ лицомъ твоимъ, иже  
уготовить путь твой предъ тобою. Тем же и мы  
поемъ тебе таковая:

радуйся, смелейши смысломъ гедеона чуднаго,  
радуйся, силнени духомъ самсона моцнаго.

Радуйся, смиренени сердцемъ самуила чеснаго,  
радуйся, умилнейши пениемъ давыда  
терпеливаго.

Радуйся, множайши разумомъ саломона мудраго,  
радуйся, совершенши иночествомъ илии  
ревниваго.

Радуйся, сладши друголюбствомъ елисея  
щедраго,

радуйся, яснейши пророчествомъ исаи'  
богословиваго.

Радуйся, болши терпениемъ еремии' плачливаго,  
радуйся, вышши видениемъ езекииля  
богозримаго.

Радуйся, прозорнейши умомъ данила  
жадостиваго,

радуйся, святейши душею варуфа  
послушливаго.

Радуйся, чесный предтече и крестителю  
господень.

### **Кондакъ девяты**

Ангельскому житию твоему дивящися, іоанне  
чесый [так!], молитвы приносимъ, вси бо

пророци и законъ до тебе прорекоша  
сведетельствующу г[о]с[по]ду нашему ї[су]су  
хр[и]сту, ему же вернии поемъ аллилуйа.

### **Ікосъ девяты**

Недоумеемъ достойне славити тя, достойный  
всякое хвалы божий предтече и крестителю  
їоанне, толико любовию влекоми дерзнухомъ  
пети тобѣ таковая:

радуїся, ангелское житие нам являя,

радуйся, всяку язву отгоняя.

Радуйся, взорѣ кротости,

радуйся, зеркало терпеливости.

Радуйся, светило неугасаемое,

радуйся, солнце праведное.

Радуйся, оучителю божиих заповедей,

радуйся, справителю многих людей.

Радуйся, истиннаго наказателю разума,

радуйся, тайнаго подателю ума.

Радуйся, мирскую славу опустивы,

радуйся, пустынную жызнь изволивы.

Радуїся, чесны предтече и кр[е]ст[ите]лю

г[о]с[по]день.

### **Кондакъ десяты**

Царя ирода четверовласнаго смеле караль еси,  
їоанне св[я]те, жены ради филипа, брата его, ея  
же неподобаше ему имети, и той повѣле тя въ

темници затворити. Ты же, седяй в ней, пояше богу аллилуйя.

### **Ікосъ десяты**

Иже прихожаху к тебе на иорданъ народи креститися, и вопрошаху, г[лаго]люще: что сотворим? И ты душеполезную науку всем подаяше, тем же и вопияху тобѣ поюще:

радуїся, обличителю пресладки,  
радуїся, наказателю преумельй.

Радуйся, милостыню творить повелевая,  
радуйся, и неимеющихъ ризами и брашном спомагая.

Радуйся, мытарем начав г[лаго]лати,  
радуйся, повеленная имъ казав чинити.

Радуйся, воемъ [так!] давый добрые науки,  
радуйся, иже довольнымъ быти своими оброки.

Радуйся, и повелевъ имъ никого не обидити,  
радуйся, к тому другу друга не оклеветати.

Радуйся, спаса всемъ показавый,  
радуйся, и тому ся чесне поклонивый.

Радуйся, чесный предтече и крестителю  
г[о]с[по]д[е]нь.

### **Кондакъ одиннадесяты**

Слышалъ есь, іоанне крестителю, во темници седяй, дела хр[и]стова и послалъ дву от ученикъ своихъ воспосити от него: ты ли еси грядый, чи

ли иного чаемъ? Отвещаваъ ї[су]съ и рече имъ шедше: возвестите їоаннови, яже слышасте и видесте. Мы же, уведевши сия, поемъ аллилуїа.

### **Ікосъ одиннадесяты**

Когда отидоша ученици твои', начать ї[су]съ народомъ г[лаго]лати о тобѣ, їоанне, прехвалне: почто изыдосте во пустыню видети пророка ли? Ей, г[лаго]лю вамъ, яко болши ес[т] пророка. Тем же и мы недостойнии' хвалим тя, поюще:  
радуйся, осии пророка чеснейши,  
радуйся, иоиля св[я]того славнейши.  
Радуйся, амоса пастыря терпливши,  
радуйся, авдея раба г[о]с[по]дья достойнейши.  
Радуйся, ионы голуба послушнейши,  
радуйся, михея морастена св[я]тейши.  
Радуйся, наума втешителя умилнейши,  
радуйся, авакума воина крепка силнейши.  
Радуйся, софонии' стража прозорнейши,  
радуйся, аггея веселаго краснейши.  
Радуйся, захарии' паметнаго полнейши,  
радуйся, малаха ангела яснейши.  
Радуйся, чесны предътече и крестителю господень.

### **Кондакъ дванадесяты**

Усекнувши спикуюторъ пречесную главу твою, їоанне, по повелению їродову и, принесши на

блюде, даль ю девици, и девица дала матери своей. Слышавши же ученици твои' прии'доша и взявши тело твое и положивше во гробЪ, возопиша ридающе къ господу богу аллілуїа.

### **Ікосъ дванадесяты**

Слышавше вси людие ангелское на земли, іоанне, житие твое, бога во трой'ци единого хвалятъ и тобЪ, существу на небесехъ, радосная приносятъ, поюще: радуйся, учителю небеснаго жития, радуйся, сведетелю хр[и]стова во плоти пришествия.

Радуйся, пророче более иных пророков, радуйся, после божи славнейши апостолов.

Радуйся, пустыннику, мирскою честью и богатствомъ погордевый,

радуїся, постнику, от младости богу послуживый.

Радуйся, девственнику душею и теломъ, радуйся, мученику, пресильный разумом.

Радуйся, исповеднику претихий, радуйся, иноку предивный.

Радуйся, души моея радование, радуйся, ума моего навчение.

Радуйся, чесный предтече и крестителю господень, іоанне.

